

PREA LONG GOD HELPIM YU NAU

God yu as bilong sori, yu ken marimari long mi. Yu igat bikpela marimari tru, olsem na mi laik yu tekewe olgeta pasin nogut bilong mi. Yu wasim mi olgeta, na bai pasin nogut ino stap moa long mi, rausim sin bilong mi na mi ken kamap klin. (Sam 5:1, 2)

Harim, nau tasol yu ken kamap pikinini bilong God, abrusim Belhat, Kot na Hell, dispela namba tu dai sapos yu tanim bel, bilip long Jisas na kisim em i kam insait long laip bilong yu.

PREA

Bikpela, nau mi stap sinman. Mi bilip long Jisas na toksori long olgeta sin bilong mi. Plis tekewe olgeta sin bilong mi na kisim bek mi. Jisas, yu kam insait long laip bilong mi. Amen.

Salim adres sapos yu kisim Jisas pinis o laikim helpim:

Nem.....

Adres.....

(When reading an English Bible, use a KJV. Don't try to use a corrupt version, it will let you down.)



Olgeta manmeri, maski ol husait, ol igat nem o nogat, ol bai kisim belhat bilong God, kamap long waitsia kot, na igo long ples paia sapos nau ol ino tanim bel na bilip long Jisas Christ.

GOD BELHAT LONG HUSAIT?

God igat wanpela pikinini tasol i stap. Tasol em laikim tumas olgeta manmeri bilong graun. Olsem na em givim dispela wanpela pikinini long ol. Em i mekim olsem bilong olgeta manmeri i bilip long em, ol ino ken lus. Nogat. Bai ol i kisim laip i stap gut oltaim oltaim. Man i bilip long pikinini bilong em, em igat laip i stap gut oltaim oltaim. Man ino bihainim tok bilong pikinini em bai ino kisim laip. Nogat. Belhat bilong God i stap long em. (Jon 3:16,36)

Olgeta man ino bilip long Jisas na givim beksait long em, belhat bilong God i stap long ol.

HUSAIT LUS PINIS LONG KOT?

God ino salim Pikinini bilong em kam long graun bilong skelim ol man bilong graun olsem jas. Nogat. Em i salim em i kam bilong kisim bek ol. Man i bilip long Jisas, em ino gat kot. Man ino bilip, em lus pinis long Kot. Long wanem, em ino bin bilip long nem bilong dispela wanpela pikinini bilong God. (Jon 3:17,18)

Olgeta man ino bilip long Jisas nau ol lus pinis long kot. Bihain taim ol kamap long wait sia Kot, Jisas bai

tokim ol, mi no save long yupela, klia long mi, yupela lain bilong mekim pasin nogut. (Matyu 7:23)

HUSAIT BAI IGO LONG HELL, NAMBA TU DAI?

Ol man nogut na ol lain manmeri i save givim baksait long God, olgeta i mas dai. (Sam 9:17)

Sin i save givim pei long wok boi bilong em. Dispela pei em dai tasol. (Rom 6:23a)

Em i tromai dai wantaim hell igo daun long dispela bikpela hul igat paia. Dispela ples paia em namba tu dai. Sapos jas ino lukim nem bilong wanpela man i stap long buk bilong laip, orait em i tromai dispela man igo daun long bikpela hul igat paia. (Revelesen 20:14,15)

ABRUSIM BELHAT, KOT, HELL OLSEM WANEM?

Tasol long ol man i kisim em, em ol man i bilip long nem bilong em. Long ol dispela, em i givim namba bai ol i ken kamap pikinini bilong God. (Jon 1:12)

Tru tumas mi tokim yupela, man i harim tok bilong mi na bilip long dispela em ibin salim mi na mi kam, em igat laip istap gut oltaim oltaim. Em bai ino kamap long kot. Nogat. Em lusim pinis dai, na nau em stap laip. (Jon 5:24)

Olgeta manmeri husait ino bilip long Jisas, bai kisim belhat bilong God, kamap long kot na igo long ples paia, dispela em namba tu dai.